


# WARISAN

WARISAN



*Persatuan Sejarah Malaysia  
Cawangan Negeri Sembilan  
Keluaran 6 1981*

## K A N D U N G A N :

Kata-kata Aluan Menteri Besar Negeri Sembilan .....	ms. 2
Kata-kata Aluan Yang Di Pertua Persatuan Sejarah Malaysia, Cawangan Negeri Sembilan .....	ms. 3
Rencana Pengarang .....	ms. 4
Gambar AJK Persatuan Sejarah Malaysia, Cawangan Negeri Sembilan .....	ms. 5
Senarai AJK. Persatuan Sejarah Malaysia Cawangan Negeri Sembilan .....	ms. 7
Senarai AJK Kecil Penyelidikan PSM. CNS .....	ms. 7
Senarai AJK Kecil Penerbitan PSM. CNS .....	ms. 8
Sidang Pengarang 1981-82 .....	ms. 8
Sejarah Makam Tok Ambik — — Norida Borhan — .....	ms. 9
Tokoh Ulamak Batu Kikir: — Mustafa Hj Dofah — .....	ms. 13
Sejarah Ringkas Kedatangan Orang-orang Minangkabau dan Adat Perpatih Ke Negeri Sembilan — Ibrahim Mustapa — .....	ms. 21
Ciri-ciri Menarik dari Perbilangan Adat Perpatih — Hjh. Aishah Sharif — .....	ms. 31
Kegiatan Perlombongan Bijih Timah di Jelebu Tahun-tahun 1890an: Satu Tinjauan — — Othman Hj. A. Bakar — .....	ms. 35
Sejarah Peperangan Linggi Kecil: — Tan Sri Dr. Mohamed Said — — Alih bahasa: Mohd. Misan Mastor — .....	ms. 40
Perkembangan Pengajian Islam di Negeri Sembilan: — Sabariah Shukur — .....	ms. 45
Rumah-rumah Melayu Negeri Sembilan: Satu Tinjauan: — Yaakob Idrus — .....	ms. 50
<b>BAHAGIAN PENYELIDIKAN:</b>	
Laporan AJK Kecil Penyelidikan, Persatuan Sejarah Malaysia, Cawangan Negeri Sembilan: — HMNL — .....	ms. 57
Kota Simpang: — Abd. Aziz Salleh — .....	ms. 59
Sejarah Masjid Kuala Dulang: — Ismail Abdullah — — Disusun semula: Mohd. Isa Jadi — .....	ms. 63



No. Fail MBNS. 1.09

MENTERI BESAR, NEGERI SEMBILAN.

## KATA-KATA ALUAN

—: ★ :—

Tahniah saya ucapkan kepada Jawatankuasa Kecil Penerbitan Perseatuan Sejarah Malaysia cawangan Negeri Sembilan ini di atas penerbitan semula majalah WARISAN.

Dari apa yang saya difahamkan WARISAN telah berjaya memaparkan kepada umum unsur-unsur sejarah dan perjuangan bangsa masa silam untuk dijadikan tauladan dan pelajaran.

Saya berharap keluaran-keluaran masa depan WARISAN akan lebih berupaya lagi memberi gambaran yang jernih terhadap sejarah negeri dan negara kita.

Sehubung dengan itu saya ingin mengambil peluang ini menyeru orang ramai memberi kerjasama terhadap penerbitan WARISAN dengan menyumbangkan rencana-rencana dan gambar-gambar yang ada kaitannya dengan sejarah Negeri Sembilan Darul Khusus ini.

Akhir kata saya mengucapkan selamat maju jaya kepada Jawatankuasa Penerbitan ini.

**DATO' RAIS YATIM**  
*Menteri Besar,*  
Negeri Sembilan.

SEREMBAN:  
8hb. Februari, 1982.



كبرياتوان سجاړا ماليسيا  
**PERSATUAN SEJARAH MALAYSIA**  
**MALAYSIAN HISTORICAL SOCIETY**

CAWANGAN NEGERI SEMBILAN.

d/a Jabatan Pelajaran Negeri Sembilan, Seremban.

---

## SERPIHAN RASA

—: 0:—

Sesungguhnya dengan terbitnya Majalah WARISAN kali ini maka terlaksanalah sudah salah satu program yang telah dirancang oleh Persatuan Sejarah Malaysia Cawangan Negeri Sembilan. Yang demikian usaha-usaha kearah mendedahkan kesan-kesan sejarah di negeri ini akan bertambah rancak dan berkembang menerusi makalah-makalah yang dimuatkan di dalamnya.

Adalah menjadi harapan Persatuan ini untuk memperbanyakkan lagi bidang penyelidikan dimana hasil penyelidikan itu akan dimuatkan ke dalam majalah ini pada keluaran-keluarannya akan datang.

Ucapan setinggi-tinggi terima kasih kepada pihak Yayasan Negeri Sembilan yang telah memberi bantuan kewangan untuk menjayakan penerbitan Majalah Warisan Kali ini.

Tahniah diucapkan kepada Jawatankuasa kecil Penerbitan dan kepada semua yang menjayakan penerbitan majalah Warisan ini.

Sekian.

(Y.B. MOHD. ISA DATO' HJ. AD. SAMAD PMC)

Pengerusi

Persatuan Sejarah Malaysia,  
Cawangan Negeri Sembilan.

Bertarikh: 17hb. Feb. 1982.

# RENCANA PENGARANG



Buat sekian kalinya 'Warisan' telah lahir dalam usahanya untuk menambahkan satu lagi dokumen sejarah ke dalam koleksi sejarah tanahair kita. Selaras dengan cita-cita kerajaan bagi menyusun semula konsep sejarah nasional, maka Warisan telah cuba untuk mencungkil kembali khazanah tempatan ini, supaya sentritisma penulisan sejarah negara kita akan dapat menggambarkan corak pen-sejarahahan Malaysia yang sebenarnya. Keadaan ini difikirkan wajar memandangkan kegiatan para Orientalis yang cuba untuk memutarbelitkan hakikat dan fakta sejarah tanahair untuk kepentingan dan dasar-dasar penjajahan mereka. Oleh itu dalam usaha kita untuk mengembalikan imej sejarah kita, penerbitan majalah seperti Warisan adalah paling wajar, sesuai dengan cita-cita dan semangat pucuk pimpinan 2M (Mahathir-Musa) di masa ini.


Sememangnya sukar dan banyak sekali duri-onaknya dalam usaha kita untuk memenuhi cita-cita di atas. Walau bagaimana pun AJK Kecil Penerbitan Persatuan Sejarah Malaysia Cawangan N. S., telah cuba dan berusaha untuk memenuhi sebahagian kecil daripada cita-cita tersebut. Antaranya ialah menganjurkan Peraduan Mengarang Sejarah Tempatan di kalangan murid-murid sekolah dan Persatuan-persatuan Belia, bertujuan bagi mencungkil Pengkaji Sejarah bakat baru, disamping untuk menarik minat murid-murid supaya mencintai sejarah tempatan mereka.

Selain dari itu, pihak kami juga telah menghubungi tokoh-tokoh sejarah tempatan, guru-guru sejarah, dan orang perseorangan yang berminat, untuk mendapatkan sumbangan yang berupa makalah-makalah, bahan-bahan penulisan sejarah, dan bahan-bahan sejarah lainnya yang masih banyak belum diterbitkan lagi. Walau pun sambutannya agak kurang memuaskan, namun sebanyak sedikit telah juga berjaya mendapatkan beberapa bahan dan makalah untuk dimuatkan dalam majalah ini.

Di sini kami ingin mengucapkan terima kasih kepada semua pihak yang terlibat dalam menjayakan penerbitan Warisan kali ini. Pertama kali kepada semua AJK Persatuan Sejarah Malaysia Cawangan Negeri Sembilan, Yayasan Negeri Sembilan atas sumbangan kewangannya, penulis dan penyumbang makalah, semua AJK Kecil dan kepada sesiapa sahaja yang terlibat secara langsung atau tidak langsung dalam penerbitan majalah ini. Kita semua berharap semoga mereka semua akan terus memberikan sumbangan, sokongan serta kerjasama dalam pembentukan identiti Sejarah Negara kita (menerusi Warisan), di masa-masa yang akan datang.

# JAWATANKUASA PERSATUAN SEJARAH MALAYSIA

CAWANGAN NEGERI SEMBILAN 1981 — 82



Duduk dari kiri ke kanan :

Encik Ismail bin Hadi (Setiausaha Kehormat), Tuan Haji Mohamed Nor bin Long (Pengerusi Penyelidikan), Y. B. Encik Mohd. Isa bin Samad (Yang Di Pertua), Dr. Wan Mohd. Zahid bin Mohd. Noordin (Naib Yang Di Pertua), Encik Hashim bin Jasa (Pengerusi Penerbitan), Encik Tan Ghee Peng (Bendahari).

**SENARAI NAMA JAWATANKUASA  
PERSATUAN SEJARAH MALAYSIA  
CAWANGAN NEGERI SEMBILAN, 1980 – 1982.**

—: ★ :—

1. *Yang Di Pertua* : Y.B. Encik Mohd. Isa bin Hj. Abd. Samad, PMC.
2. *Naib Yang Di Pertua* : Yang Berbahagia Pengarah Pelajaran N. Sembilan  
(Dr. Wan Mohd. Zahid bin Mohd. Noordin, PPT)
3. *Setiausaha Kehormat* : Encik Ismail bin Abdul Hadi, AMN, PJK.
4. *Pen. Setiausaha Kehormat* : Encik Abd. Aziz bin Salleh
5. *Bendahari* : Encik Tan Ghee Peng, AMN.
6. *Jawatankuasa* : Encik Nordin bin Bakari  
Encik Hashim bin Jasa, AMN.  
Tuan Sy. Jaafar bin Sy. Ab. Rahman, PJK.  
Tuan Hj. Mohd. Arif bin Osman  
Puan Kamariah bt. Hj. Sabeh
7. *Pengerusi Daerah* : Tuan Hj. Hisham bin Omar (Tampin)  
Encik Mohd. Zahidin bin Sidek (Kuala Pilah)  
Encik Abdullah bin Hj. Ludin (Rembau)  
Encik Mohd. Mokhtar bin Mohd. Nor (Seremban)  
Encik Mazlan bin Abdullah (Jejebu)  
Encik Othman bin Hj. Abu Bakar (Port Dickson)  
Encik Idris bin Hussein (Jempol)
8. *Pemeriksa Kira-Kira* : Encik Abu Bakar bin Yahya, AMN, PPN, PMC, PJK.  
Encik Mohd. Zain bin Hj. Rais

**JAWATANKUASA KECIL PENYELIDIKAN  
PERSATUAN SEJARAH MALAYSIA  
CAWANGAN NEGERI SEMBILAN, 1980 – 1982.**

—: ★ :—

1. *Pengerusi* : Tuan Hj. Mohamed Nor bin Long, PMC.
2. *Jawatankuasa* : Tuan Hj. Mohd. Arif bin Osman  
Dato Hj. Mohd. Sharif bin F. Hassan PPN, PJK.  
Encik Nordin bin Bakari  
Encik Abd. Aziz bin Salleh  
Encik Ibrahim bin Mustafa  
Puan Kamariah bt. Hj. Sabeh  
Puan Norini bt. Ali, PJK.  
Puan Echam bt. Hj. Hassan

**JAWATANKUASA KECIL PENERBITAN**  
**PERSATUAN SEJARAH MALAYSIA**  
**CAWANGAN NEGERI SEMBILAN, 1981 – 1982.**

—————: ★ :—————

- Pengerusi* : En. Hashim bin Jasa, AMN.
- Setiausaha* : En. Ramthan bin Hj. Maarof
- Pen. Setiausaha* : En. Mohd. Misan bin Mastor
- Ahli Jawatankuasa* : Dato' Hj. Mohd. Sharif bin Fakeh Hassan, PPN, PIK.  
En. Abd Hamid bin Idris  
En. Mustafa bin Hj. Sharif  
En. Mohd. Hisa bin Tahat  
En. Tan Ghee Peng, AMN.  
En. Ahmad bin Sihat  
En. Mazlan bin Abdullah  
En. Ibrahim bin Mustafa  
Cik Vicki Muttu, PPN, PPT, PIK.  
Puan Aishah bte Md. Sharif  
Puan Sharifah Kintan bte Syed Ali

**SIDANG PENGARANG 1981 – 82.**

—————: ★ :—————

- Pengarang* : En. Mazlan bin Abdullah (Ketua)  
En. Ibrahim bin Mustafa  
En. Mohd. Misan bin Mastor
- Rekabentuk* : En. Abd. Hamid bin Idris
- Kewangan & Pemasaran* : En. Tan Ghee Peng, AMN.  
Cik Vicki Muttu, PPN, PPT, PIK.



## JAWATANKUASA PENYELIDIKAN

—: o: —

Pada awal tahun 1981, satu jawatankuasa penyelidikan telah ditubuhkan dengan tujuan membuat penyelidikan terhadap kesan dan tinggalan sejarah Negeri Sembilan yang masih belum diterokai selama ini. Seperti di negeri-negeri lain di negara ini, Negeri Sembilan juga mempunyai sejarahnya yang tersendiri bahkan ada yang "unique" di antara tinggalan dan kesan sejarah itu. Memang disadari betapa rumitnya nanti untuk tugas besar ini memandangkan mereka yang dilantik hanya dapat melakukan secara sambilan. Mereka yang berminat dan dipertanggung-jawab dalam hal ini rata-ratanya terdiri daripada guru dan guru besar sedangkan jawatankuasa ini merupakan sejarawan sambilan, tetapi memerlukan inisiatif dan keupayaan menulis untuk mencungkil bahan sejarah yang terpendam. Jawatankuasa ini lebih merupakan satu bengkel yang mengadakan perjumpaan dari masa ke masa, bertujuan menulis hasil kajian yang telah dijumpai. Daerah kajian yang diputuskan ialah tinggalan sejarah lampau dan sezaman dan sedapat mungkin bahan yang belum pernah diterbit lagi.

Dalam mesyuarat pertama pada 26-2-1981 jawatankuasa meneliti beberapa syor bahan projek serta daerahnya, dan mengambil keputusan seperti berikut:

### A. Sejarah lampau.

- (a) Masjid Kedulang atau Kuala Dulang, Jelebu.
- (b) Gunung Datuk Rembau.
- (c) Danau Mas, Rembau.
- (d) Batu Hidup Terachi, Kuala Pilah.
- (e) Sejarah Ulu Muar, Kuala Pilah.
- (f) Kota Simpang, Linggi.

### B. Sejarah sezaman.

- (a) Keretapi Kuala Pilah-Bahau.
- (b) Perkampungan Bugis di Port Dickson.
- (c) Singapore Street, Seremban.
- (d) Datuk Haji Mohd. Yusof Ahmad (Allahyarham).
- (e) Mukim Pantai, Seremban.

Kerana jawatankuasa ini berbentuk bengkel yang bermatalamat penghasilan tulisan maka bilangan keanggotaannya terhad. Tiap-tiap ahli yang menganggotainya dikehendaki menyelidik, melawat dan seterusnya menulis dalam bentuk rencana. Memang diakui kemungkinan berlaku 'armed chair historian' disebabkan halangan-halangan yang dialami oleh para ahli tetapi ia dikira sebagai satu percubaan pertama untuk menimba kembali bahan sejarah, tradisi, budaya model dongeng yang terpendam untuk ditimbulkan dengan harapan pelajar-pelajar sejarah akan datang mungkin membuat kajian-kajian yang lebih mendalam.

Mereka yang menganggotai jawatankuasa adalah berikut:

- (1) Haji Mohd. Nor Long — Pengerusi.
- (2) Dato' Haji Mohd. Sharif Fakil Hassan.
- (3) Ibrahim Mustafa.
- (4) Puan Echam bt Haji Hassan.
- (5) Norini bt Ali.
- (6) Kamariah Haji Sabih.
- (7) Haji Mohd. Arif Osman.
- (8) Nordin Bakri.
- (9) Abdul Aziz Saleh.
- (10) Mohd. Mokhtar bin Mohd. Noor.

Hasi sulung dari jawatankuasa ini dapatlah dibanggakan dan dalam keluaran WARISAN kali ini dua daripada sebelas yang diselidiki telah dapat diterbitkan iaitu:

- (a) Masjid Kedulang atau Kuala Dulang, Jelebu.
- (b) Kota Simpang.

Insyallah dalam keluaran WARISAN akan datang akan diterbitkan segala hasil penyelidikan selebihnya yang kini sedang rancak di kaji.

# KOTA SIMPANG

(Oleh **ABDUL AZIZ BIN SALLEH**)

—: o: —

KOTA SIMPANG adalah sebuah kota pertahanan yang dibuat dari batu dan tanah liat yang berbentuk empat segi bujur, 530 kaki panjang dan 210 kaki lebar. Tingginya lapan kaki dan dikelilingi oleh parit sedalam lapan kaki dan selebar 21 kaki. Kota ini telah ditemui semula oleh Pegawai Daerah Alor Gajah dalam tahun 1934.

Kota ini terletak di Simpang; iaitu di pertemuan dua cabang sungai Linggi. Satu cabang masuk ke wilayah Rembau dipanggil Sungai Batang Penajis dan satu lagi ke wilayah Linggi dan Sungai Ujung, dikenali dengan nama Sungai Batang Benar. Dari kuala Sungai Linggi atau Kampung Kuala Linggi jauhnya lima setengah batu mudik ke hulu; tetapi hanya memakan masa lima belas minit sahaja menghilir dengan bot ke kuala dari pekan Pengkalan Kempas. Pengkalan Kempas adalah sebuah pelabuhan lama di tebing kiri Sungai Linggi.

## Latar Belakang Pembinaan

Selepas tamatnya Perang Naning pada TM 1833 Raja Ali telah diiktiraf oleh Inggeris sebagai Yang Dipertuan Rembau. Menantunya, Syed Syaaban dilantik menjadi Yamtuan Muda. Ia telah mengenakan cukai seringgit bagi tiap-tiap bahara bijih timah yang dibawa dari Sungai Ujung melalui Sungai Linggi ke Melaka. Bagi menguatkan kawalannya di Sungai Linggi ia telah membina kubu-kubu pertahanan di Simpang.

Peperangan telah berlaku di antara Raja Ali dan Syed Syaaban di suatu pihak dengan Dato' Mohd. Kattas (Dato' Muda Linggi) yang dibantu oleh Dato' Kelana Kawal (Dato' Kelana Sungai Ujung) dan Raja Radin di suatu pihak lain. Syed Syaaban dan Raja Ali telah dikalahkan pada TM 1833.

Selepas peperangan itu keamanan telah pun wujud di Sungai Linggi sehingga TM 1855. Dalam tahun itu juga Dato' Kelana Kawal dan Dato' Muda Mohd. Kattas telah meninggal dunia. Dalam TM 1855 itu tiga orang dari Rembau, iaitu Dato' Kanda (anak kepada Dato' Bandar Haji Mohd. Salleh), Syed Ahman (anak saudara Syed Syaaban) dan Haji Mohd. Salleh telah membina sekatan-sekatan di Sungai Linggi bagi memungut cukai. Langkah ini disokong oleh Dato' Undang Rembau.

Tindakan di atas telah mengganggu perdagangan bijih timah saudagar-saudagar Negeri Selat di Melaka. Desakan dikemukakan supaya kerajaan Inggeris campurtangan. Inggeris telah berjaya mengumpulkan pihak-pihak yang terlibat iaitu Dato' Kelana Sending dari Sungai Ujung, Dato' Muda Haji Mohd. Salleh dari Linggi dan Dato' Undang Rembau serta ketua-ketua suku (buapak) dari Luak Rembau. Hasil dari pertemuan itu satu perdamaian (penyelesaian) telah dibuat. Dato' Muda Linggi diberi kuasa memungut cukai di Sungai Linggi dan segala sekatan di Sungai Linggi dihapuskan.

TM 1865 satu konflik telah timbul di antara Dato' Undang Rembau dengan Dato' Kelana Sending Sungai Ujung atas sebab-sebab merebut cukai di Sungai Linggi. Keadaan tidak aman mulai wujud semula di Sungai Linggi. Dalam TM 1872 Dato' Undang Rembau meninggal dunia. Dato' Haji Mohd. Sahil sebagai bakal Undang Rembau telah membantah perbuatan Dato' Muda Haji Mohd. Salleh membina Kota di Simpang. Ia telah menyerang dan menawan Kota Simpang dan menguasainya hingga TM 1874.

Ini membuktikan bahawa Kota Simpang telah dibina oleh orang-orang Linggi atas kehendak dan arahan Dato' Muda Linggi untuk menjaga kesetabilan perdagangan bijih timah di antara Sungai Ujung dengan Negeri-Negeri Selat yang menggunakan Sungai Linggi sebagai jalan pengangkutan utama. Pembinaan ini telah dilakukan di sekitar TM 1872.

Haji Mubin Sheppard dalam bukunya 'Malayan Fort' terbitan 'The Director of Museum Federation of Malaya', 1961, memberi penjelasan yang amat ringkas mengenai pergolakan-pergolakan politik yang berlaku di Simpang di sekitar TM 1870an atau TM 1860an. Ia tidak pun menjelaskan siapakah yang telah membina Kota Simpang tersebut.

Berdasarkan keterangan yang ada jelas menunjukkan bahawa pembinaan Kota Simpang adalah bersebab dari berlakunya pergolakan politik di Negeri Sembilan di sekitar pertengahan kedua abad ke sembilan belas, berpunca dari sebab-sebab mempertahankan dan menguasai perdagangan bijih timah yang amat penting dan berharga dalam abad ke sembilan belas itu.

### **Kepentingan Kota Simpang**

Dari segi kepentingan sejarah tempatan dan Sejarah Malaysia, Sungai Linggi bukan sahaja telah diperalatkan oleh institusi-institusi politik dari Rembau dan Sungai Ujung, malahan Raja Mahadi dan Tengku Kudin dari Selangor pada tarikh yang hampir sama telah juga merebut Sungai Linggi kerana Sungai ini memainkan peranan yang stratijik kepada kedudukan pertahanan dan kemenangan perang mereka di Selangor pada TM 1870. (1) Akibat peristiwa di atas juga telah mempercepatkan campurtangan Inggeris di Selangor dan Sungai Ujung pada TM 1874.


---

(1) TM 1870 Tengku Kudin dalam usahanya untuk memenangi peperangan di Selangor menentang Raja Mahadi telah mengikat satu persetujuan sempadan dengan Rembau. Tengku Kudin menyokong tuntutan Rembau untuk menguasai Simpang.

Julai TM 1872 Dato' Shahbandar Sg. Ujung telah membantu dan membebarkan Raja Mahadi menggunakan Sg. Linggi untuk pergi ke Ulu Kelang. Sebagai tindakbalas, Tengku Kudin menduduki Simpang TM 1872. Matlamatnya adalah untuk menyekat kemaraan Raja Mahadi kerana Sg. Linggi boleh digunakan membawa tentera, senjata dan bekalan ke Ulu Kelang, ke Langat, ke Kelang dan Kuala Selangor.

Akibat tindakan Tengku Kudin keadaan politik di Sg. Ujung dan di Sg. Linggi terus menerus berkecamuk. Permusuhan wujud di antara Tengku Kudin dengan Sg. Ujung. Awal TM 1873, Tengku Kudin mengambil keputusan menyerang Sg. Ujung disebabkan Syed Abdul Rahman, iaitu Dato' Kelana Putera Sg. Ujung waktu itu melindungi Raja Mahadi di Sg. Ujung. Ini menyebabkan berlaku sekali lagi gangguan perdagangan bijih timah di Sg. Linggi dan bekalan bijih timah yang diterima oleh saudagar-saudagar Negeri Selat turut terganggu.

Pada 21hb April 1874 Inggeris campurtangan di Sg. Ujung secara rasmi. Suatu perjanjian telah dibuat kerananya. Ini telah memberi kesempatan yang lebih luas kepada Inggeris menguasai seluruh Negeri Sembilan. Selepas mengalami beberapa proses penguasaan maka pada TM 1888 Inggeris berjaya menguasai seluruh Negeri Sembilan.



▲ KOTA SIMPANG.

## Rujukan

1. Khoo Kay Lim, **The Western Malay States 1850-1873**, Oxford University Press, Kuala Lumpur, 1972.
2. R.J. Wilkinson, 'Sungai Ujong' dlm **JSBRAS**, No. 83, 1921.
3. J.V. Mills, 'Eredia's Description of Malacca, Meridional India and Cathay', dlm **JMBRAS**, Vol. 8, Pt.1, April 1930.
4. R.O. Winstedt, A History of Johore (1673-ca — 1800A.D.), **JMBRAS**, Vol. 10, Pt.1, Januari 1932.
5. Newbold, T.J., dalam **Political and Statistical Account of the British Settlements in the Straits of Malacca**, Oxford University Press, Kuala Lumpur, 1971.
6. Parkinson, C.N., **British Intervention in Malaya 1866-1877**, Singapore, 1960.
7. Sadka, E., **The Protected Malay States 1874-1895**, Kuala Lumpur, 1968.
8. Harvey, D.F.A., 'Rembau', **JSBRAS**, No. 13, 1884.
9. Haji Mubin Sheppard, **Malayan Fort**, 'The Director of Museum Federation of Malaya', 1961.

*Perkara yang paling menguntungkan dalam dunia untuk mengendalikan kehidupan manusia dalam dunia ialah Sejarah — Froissart.*